

DECRETA SYNODI.

DECRETUM I.

*De Statutis quatuor Conciliorum Quebecensium
a nobis promulgandis.*

Decreta, quæ lata sunt in quatuor Conciliis Quebecensibus, a S. Sede approbata vel recognita, hoc decreto nostra facimus; eaque, in quantum ad nos refert, in provincia Torontina iterum promulgata haberi volumus et jubemus, riteque ab omnibus et singulis, quorum interest, fideliter observari statuimus et mandamus.

DECRETUM II.

De Sacrosancto Concilio Vaticano Œcumenico.

Hujusce Concilii Patres magnopere considerantes decreta Sacrosancti Concilii Œcumenici Vaticani primi, huc usque promulgata in hac provincia cum debita reverentia accipi et pie observari decernunt, ut Constitutiones dogmaticæ "de fide Catholica;" cum Canonibus adnexis, deque "Ecclesia Christi," quoad omnia et singula, ab omnibus quorum est Catechizare aut Verbum Dei prædicare, debite perpendantur ut fidelibus, omni quo par est studio, infallibiles Definitiones et authenticæ Verbi Dei declarationes prædicentur et explicentur

DECRETUM IV.

De Metropolititis.

Varia fuit variis temporibus Metropolitanarum jurisdictio, Jura potissima quæ ex hodierna Ecclesiæ praxi Metropolitana in suffraganeos exercet, ad hoc fere reducuntur.